

華東稀見方志文獻 第五卷

中國華東文獻叢書



中國華東文獻叢書·第一輯

華東稀見方志文獻

第五卷

甘肅省古籍文獻整理編譯中心
中國華東文獻叢書編輯委員會
編

本卷目錄

吳郡圖經續記	〔紹興〕朱長文纂修		〇〇三
鎮江志	〔至順〕脫因修俞希魯纂		〇五九
姑蘇志	一 〔正德〕林世遠王整等纂修		四〇三

【紹興】朱長文纂修

吳郡圖經續記

〔紹興〕《吳郡圖經續記三卷》，宋朱長文纂修，紹興四年（公元一一三四年）刻本（跋）。白口，單魚尾，左右雙欄，半葉九行，行十八字。書口下方題有黃富成、嚴發、顧仲、王彥、屠友、石成、鄭益、金、牛實、賈琚、張通、郭、宥、郭奇等刻工姓名。

朱長文，字伯原，號潛溪隱夫，生於康定二年（公元一〇四一年），卒於元符三年（公元一一〇〇年），蘇州吳縣（今江蘇省蘇州市）人。嘉佑四年（公元一〇五九年）進士，有《墨池編》《續書斷》等。卷前有朱長文自序，卷後刻有常安民、林處、祝安上、孫佑後序，末有清代黃丕烈、胡珽、翁同龢墨書題跋。

〔宋〕朱長文纂修

吳郡圖經續記

吳郡圖經續記序

方志之學先儒所重故朱贛風俗之條顧野王輿地之記實軌十道之錄稱於前史蓋聖賢不出戶知天下列居是邦而可憐於古今於按唐六典職方氏掌天下之地圖凡地圖命罷府三年一造與版籍偕上省

聖朝因之有閏年之制蓋城邑有遷改政事有損益戶口有登降不可以不察也吳為古郡其圖志相傳固久自大中祥符中

續圖經

詔修圖經每州命官編輯而上其詳畧蓋繫乎其人而諸公刊修者主類例據所錄而刪撮之也夫舉天下之經而修定之其文不得不簡故陳迹異聞難於具載由祥符至今逾七十年矣其間近事未有紀述也元豐初朝請大夫臨湍晏公出守是邦公乃故相國元獻公之子好古博學世濟其美嘗顧敝廬語長文曰吳中遺事與古今文章湮落不收今欲綴緝而吾所善練定以謂唯子能為之也長文自念

屏迹陋巷未嘗出庭戶於訪求為艱而練君道晏公意屢見趣勉於是參考載籍探撫舊聞作圖經續記三卷凡圖經已備者不錄素所未知則闕如也會晏公罷郡乃藏于家今太守朝議大夫武寧章公治郡三年以政最被命再任比因臨長文所居謂曰聞子嘗為圖經續記矣余願觀焉於是稍加潤飾繕寫以獻寘諸郡府用備諮閱固可以質凝滯根利病資議論不為虛語也方

續圖經序

聖上睿謨神烈

聲教光被海隅出日罔不率俾

廣地開境增為郡縣儻或

申命方州更定圖籍則此書庶幾有取也事

有缺略猶當刊補其古今文章別為吳門摠

集云元豐七年九月十五日州民前許州司戶

叅軍朱長文上



吳郡圖經續記卷上

朱長文撰

封域 城邑 戶口

坊市 物產 風俗

門名 學校 州宅

南園 倉務 海道

亭館 牧守 人物

封域

蘇州在禹貢爲揚州之域書云三江既入震澤

續圖經上

三

底定即此地也至周爲吳國始秦伯與其弟仲雍皆太王之子王季歷之兄也秦伯以天下遜其弟王季乃與仲雍南奔以避之即其所居自号句吳吳民義而從之者千餘家當商之末世築城郭以自衛遂爲吳秦伯春秋傳曰秦伯端委以治周禮仲雍嗣之自秦伯作吳五世而武王克商求秦伯仲雍之後得周章周章已君吳因而封之其爵爲伯國語云命圭有命固曰吳伯不曰吳王自周章傳十四世吳子壽夢立吳

益大稱王而春秋書之曰子魯成公七年春吳

伐郟秋吳入州來是時楚一歲七奔命蠻夷屬

於楚者吳盡取之始通於上國矣又更四君至

吳王闔廬吳自秦伯以來所都謂之吳城在梅

里平墟乃今無錫縣境及闔廬立乃徙都即今

之州城是也於是西破楚入郢北威齊晉蓋當

是時吳與越以潮江分境越患猶遠吳越春秋

云勾踐五年入目於吳群臣祖道至潮江上蓋

潮爲吳境也勾踐七年既釋囚返國厚獻吳王

續圖經上

四

夫差夫差悅之於是賜書增之以封東至句甬西至檣李南至姑末北至平原縱橫八百餘里子胥諫之不聽事具吳春秋吳之南境益狹矣勾踐終敗吳而圍之魯哀公二十二年越滅吳吳迺爲越而越王未聞居吳也勾踐後更六王至無疆更一百四十餘年爲楚威王所滅取吳故地威王曾孫曰考烈王春申君黃歇爲之相乃以吳封春申使其子爲假君留吳及秦併其地置會稽郡漢順帝永建四年分會稽爲吳郡

以潮江中流爲界晉宋齊梁陳之間雖頗割地而郡不改與吳興丹陽號爲三吳隋平陳割鹽官以隸于杭至唐有吳長洲嘉興崑山常熟海鹽華亭七邑號爲雄郡乾元二年嘗置長洲軍大曆中廢五代時分嘉興海鹽華亭別爲秀州隸蘇者唯五縣錢氏獻其籍

城邑

昔闔廬問於子胥曰吾國在東南僻遠之地險

續圖經上

五

卷五

阻潤濕有江海之害內無守禦外無所依倉庫不設田疇不墾爲之奈何於是子胥說以立城郭設守備實倉廩治兵庫闔廬乃委計於子胥使之相土嘗水象天法地築大城周四十里小城周十里開八門以象八風是時周恭王之六年也自吳亡至今僅二千載更歷秦漢隋唐之間其城域門名循而不變陸機詩云閭門何峨峨飛閣跨通波其物象猶存焉隋開皇九年平陳之後江左遭亂十一年楊素帥師平之以蘇

城嘗被圍非設險之地奏徙於古城西南橫山之東黃山之下唐武德末復其舊蓋知地勢之不可遷也觀於城中衆沍貫州吐吸震澤小浜別臥旁夾路衢蓋不如是無以泄積潦安居民也故雖有澤國而城中未嘗有墊溺蕩析之患非智者創於前能者踵於後安能致此哉而流俗或傳吾之故都在館娃宮側非也蓋娃宮胥臺乃離宮別館耳當吳之盛時高自矜侈籠西山以爲園度五湖以爲池不足充其欲也故傳

續圖經上

六

闔廬秋冬治城中春夏治城外且食鰕山晝遊蘇臺射於鷗陂馳於游臺興樂石城走犬長洲其耽樂之所多矣左氏傳載楚子西之言曰夫差次有臺榭陂池焉宿有妃嬪嬪御焉一日之行所欲必成今故老猶能道其遺迹信不虛也自唐季盜起浙西帥周寶以楊茂實爲刺史爲盜所據龍紀元年錢鏐遣其弟鉢破徐約于此州以都將沈繁權領其後李宥孫儒楊行密時臺濛三陷郡城乾寧五年鏐既平董昌遣其

將顧全武自會稽航海道帥師擊之臺濠遁去
蓋於此十餘年間民困于兵火焚掠赤地唐世遺
迹殆盡錢氏有吳越稍免干戈之難自乾寧至于
太平興國三年錢俶納土凡七十八年自錢俶納
土至于今元豐七年百有七年矣當此百年之
間井邑之富過於唐世郭郭填溢樓閣相望
飛杠如虹櫛比棊布近郊隘巷悉甃以甃冠蓋
之多人物之盛爲東南冠寔太平盛事也

戶口

續圖經上

七

西漢之會稽郡舉今三淛之地皆在焉其爲戶
二十二萬三千三十八東漢之吳郡舉今浙西之
地皆在焉其爲戶十六萬四千一百六十四晉之
吳郡舉今杭秀睦三州之境皆在焉其爲戶
二萬五千唐之蘇州舉今秀州之地在焉初其
爲戶一萬一千八百五十九天寶之盛至七萬六
千四百二十一自錢武肅分蘇以爲秀用自屏蔽
其隸蘇者吳長洲崑山常熟又分吳縣爲吳
江合五邑而已忠懿王以其國歸之有司

國朝與民休息稼穡豐殖大中祥符四年有戶
六萬六千一百三十九由祥符至于今七十餘
年間

累聖丕承仁澤日厚庖鴻汪洋何生不育元
豐三年有戶一十九萬九千八百九十二有丁三
十七萬九千四百八十七嗚呼盛矣蓋此州在
漢迺一縣之境比唐爲半郡之餘而其民倍
屨於當時不可勝數蓋自昔未有今日之盛
也故其輪帛爲疋者八萬輪纊爲兩者二萬五

續圖經上

八

千輪苗爲斛者三十四萬九千苗有蠲放者
在此數中輸錢
免役爲緡者歲八萬五千皆有畸焉而又有
鹽稅權酤之利爲多以一郡觀之則天下蓋可
知矣昔冉有曰旣庶矣又何加焉孔子曰富之旣
富矣又何加焉曰教之苟有用我者期月而已
三年有成況今承百年太平之後而有四海全盛
之勢哉方

聖上精一以迪德

幾微以成務講政修教朝出於

軒墜暮行於海宇六府三事既允治矣方當節之以禮和之以樂躋民於堯舜三代之隆此其時哉

坊市

圖經坊市之名各三十蓋傳之遠矣如曳練坊者或傳孔子登泰山東望吳閭門數曰吳門有白馬如練因是立名黃鸚市之名見白公詩所謂黃鸚巷口鸛欲語烏鵲橋頭冰未銷是也其餘皆有義訓不能悉知其由其巷名見於載籍

續圖經上

九

嚴發

者如彈鉄渴鳥一二種皆莫知其處迺知事物不著於文字之間則艱於傳遠故方志之說不可廢也近者坊市之名多失標榜民不復稱或有因事以立名者如靈芝坊因樞密直學士蔣公堂爲冠坊因侍御史范公師道德慶坊因今太子賓客盧公革各以所居得名蓋古者以德名鄉之義也苟擇其舊號益以新稱分其邑里因以彰善旌淑不亦美哉昔梅福弃官易名姓爲吳市門卒今此有西市門殆其所隱乎

物產

吳中地沃而物夥其原隰之所育湖海之所出不可得而殫名也其稼則刈麥種禾一歲再熟稻有早晚其名品甚繁農民隨其力之所及擇其土之所宜以次種焉惟號箭子者爲最歲供京師其果則黃柑香碩郡以充貢橘分丹綠梨重絲帶函列羅生何珍不有其草則藥品之所錄離騷之所詠布護於臯澤之間海苔可食山蕨可採幽蘭國香近出山谷人多玩焉其竹

續圖經上

十

則大如簣簣小如箭桂含露而斑冒霜而紫修篁叢筍森萃蕭瑟高可拂雲清能來風其木則栝栢松梓檉枹杉桂冬嚴常青喬林相望椒棣槐實蕃衍足用其花則木蘭辛夷著名惟舊牡丹多品遊人是觀繁麗貴重盛亞京洛朱華凌雪白蓮數沼文通樂天昔嘗稱詠重臺之茵苗傷荷之玼藕見於傳記其羽族則水有賓鴻陸有巢翠鷗雞鵠鷺鷥鵲鷗鷺之類巨細參差無不咸備華亭仙禽其相如經或鳴臯原或擾樊籠

其鱗介則鰈鰻鯉鯪鰭鯢鯢乘蟹龍置蟹
螯螺蛤之類怪詭舛錯隨時而有秋風起則鱸
魚肥練木華而石首至豈勝言哉海嶼之民以
網罟蒲贏之利而自業者比於農圃焉又若太
湖之怪石包山之珍茗千里之紫莼織席最良給
用四方皆其所產也若夫舟航往來北自京國南
達海徼衣冠之所萃聚食貨之所叢集乃江
外之一都會也

風俗

續圖經上

十一

版發

太伯遜天下季札辭一國德之所化遠矣更歷
兩漢習俗清美昔吳太守麋豹出行屬城問
功曹唐景風俗所尚景曰處家無不孝之子立
朝無不忠之目文爲儒宗武爲將帥時人以爲
善言陸機詩云山澤多藏育土風清且嘉泰伯
導仁風仲雍楊其波豈不然哉蓋朱買臣陸
機顧野王之徒顯名於歷代而人尚文交道生
慧嚮之儔唱法於群山而人尚佛故吳人多儒
學喜信施蓋有所由來也然誇豪好侈自昔

有之吳都賦云競其區宇則并疆兼巷矜其
宴居則珠服玉饌亦非虛語也自

本朝承平民被

德澤垂歸之兒皆知翰墨戴白之老不識戈矛
所利必興所害必去原田腴沃常獲豐稔澤地
沮洳寢以耕稼境無劇盜里無姦宄可謂天下
之樂土也顧其民崇棟宇豐庖廚嫁娶喪葬奢
厚逾度捐財無益之地厯產不急之務者爲多
惟在位長民者有以化之耳

續圖經上

十二

門名

吳王闔廬建城之始立陸門八以象八風水門八
以象八卦吳都賦云郭郭周市重城結隅通
門二八水道陸衢劉夢得詩云二八城門開道
路五千兵馬引旌旗其傳久矣所謂八門者其
南曰盤門以嘗刻蟠龍之狀或曰爲水陸相半
公洄屈曲故謂之盤也曰蛇門者爲其於十二
位在巳也又云以越在巳地爲木蛇北向示越
屬吳也其西曰閭門者象天門之有閭闔也曰

胥門者子胥居其旁民以稱焉夫差伐齊之役
胥門巢將上軍蓋當時以巢所居爲号也門外有齊
其東曰婁門婁縣名也蓋因其所道也秦謂
之嚳留漢謂之婁今之崑山其地一也曰封門者取
封禺之山以爲名封山故屬吳郡今在吳興方言
謂封曰葑葑者茨土膠結可以種植者也其事
或然曰將門者吳王使干將於此鑄寶劍今謂
之匠聲之變也北曰齊門者齊景公女嫁吳世子
者登此以望齊也又南有赤門北有平門蓋
不預八數或曰平門者故爲巫門巫咸所葬也
當吳時不開東面之門欲以絕越其後稍或閉
塞蓋其多途則難於守衛幾禁也今所啓者
五而已封門陸衢中或埋塞范文正公命闢之
爲門往來至今大以爲便

續圖經上

十三

學校

吳郡昔未有學以文請解者不過數人景祐中
范文正公以內閣典藩而歎庠序之未立我先
君光祿率州人請建學文正公請于朝奏可迺割

南園之一隅以創焉旣成或以爲太廣范公曰吾
恐異時患其隘耳乃置學錢命師儒其後
爲守者繼成其事富郎中嚴又建六經閣自
安定先生翼之首居於此而博洽有道之士如
王會之達張聖民留張公達伯王之儔繼處其任
學者甚衆登科者不絕有若滕正議元發錢
翰林醇老諸公稍稍以出熙寧之際朝廷選置
學官更問大義士之來者甚盛矣頃時李校
理疑又割南園地以廣其垣然黌舍未多今猶
以爲隘也宣聖殿旁舊有文正公祠以安定先
生配歲時釋奠者皆焚香拜首學中有十題曰
辛夷百幹黃楊公堂槐鼎足松雙桐石楠龍頭
檜蘸水檜泮池玲瓏石或云蘇子美嘗掌學
命名也

續圖經上

十四

州宅上

郡國志云今大守所居室即春申君之子爲假君
之殿也因數失火塗以雌黃故曰黃堂又傳吳宮
至秦時猶存守官吏以火視薦窟遂火焉其

遺迹雖無存者其地則未聞或改也漢會稽太守治於吳朱買臣載其故妻到太守舍置園中給食之即此地也今郡廨承有唐五代之後昔韋蘇州詩云海上海雨至逍遙池閣涼白樂天於西樓命宴齊雲樓晚望皆有篇什所謂池閣者蓋今之後池是也西樓者蓋今之觀風樓也齊雲樓者蓋今之飛雲閣也白公詩云欲辭南木蘭堂之名亦久矣皮陸唱和詩有木蘭後池即此也池中有老櫓婆娑尚存父老云白公手植已二百餘載矣詢之士子云張刑部太初作山陰堂蔣密直治後池諸亭及瞰野亭見山閣呂光祿建按武堂蔡祕閣子直置射堂裴校理如晦立飛雲閣韓度支子文植怪石二於便廳後榜曰介軒近晏大夫處善葺故亭於城之西北隅号日月臺以便登覽餘則未悉聞也

州宅下

蓋古之諸侯有三門外曰臯門中曰應門內曰路門因其門以爲三朝朝之後有三寢曰路寢一曰燕

續圖經上

十五

顧仲

寢二自罷侯置守其名既殊其制稍削然猶存其既今之子城門古之所謂臯門也今之戟門古之所謂應門也今之便廳門古之所謂路門也今之大廳古之外朝也今之宅堂古之路寢也蘇爲東南大州地望優重府廷宣有以稱自唐乾寧元年刺史成及建大廳更五代至于聖朝嘉祐間年祀浸遠棟宇既敝紫微王公君王乃新作是廳選材鳩工閎敞甲諸郡陳祠部天常新作子城門樓觀甚偉而大廳之前戟門之後廊廡庑陋不稱且甲仗架閣二庫在焉海瀕卑濕暑氣蒸潤戎器簿籍或材弊文朽不可用又高麗人來朝過郡郡有燕勞其從者皆坐於廊此而不葺非所以革弊示遠也元豐六年太守朝議大夫章公以是說謀於轉運使得羨錢二百萬又以公使助之於是易以修廊覆以重屋二樓對立樓各八楹木章必精陶埴以良吏無容姦工各獻巧故費省而功速明年春落成又修戟門薦之高於舊三尺由是自臺門至于

續圖經上

十六

顧仲

府廷棟宇相副輪焉奐焉不陋不奢後無以加也

南園

南園之興自廣陵王元璩帥中吳好治林園於是釀流以爲沼積土以爲山島嶼峯巒出於巧思求致異木名品甚多比及積歲皆爲合抱亭宇臺榭值景而造所謂三閣八亭二臺龜首旋螺之類名載圖經蓋舊物也錢氏去國比園不毀王黃州詩云他年我若功成後乞取南園作

續圖經上

十七

王

倉務

南倉在子城西北倉在閭門側皆前後臨洙每歲輸稅於南和糴於北以元豐三年計之所糴無慮三十萬斛東南之計仰給於此而農民賴

官糴以平穀價其利博哉稅務舊在驛前范文正公遷於西河之上官私舟楫往來輸稅者不必迂路至今以爲便酒務損弊前守司諫孫公請于

朝給省金四萬緡新之晏公

章公相繼趣成近已畢工又嘗大修南倉既闕且固爲儲積之利

亭館

臨水之亭圖經所載者四今漕渠之上增建者

續圖經上

十八

王

多矣曰按部曰緇衣曰濟川曰皇華曰使星曰侯春曰褒德曰旌隱之類聯比於岸矣所謂褒德者近於祕監富公之居旌隱者近於密直蔣公之居昔之郡將名亭以褒二老也近歲高麗人來貢

聖朝方務綏遠又於城中闢懷遠安流二亭及盤閭之外各建大館爲賓餞之所

海道

吳郡東至於海北至於江傍青龍福山皆海道

也漢武帝遣嚴助發兵會稽浮海救東甌後朱買臣言東越王居保泉山今發兵浮海直指泉山陳舟列兵席卷南行可破滅也上拜買臣會稽太守詔買臣到郡治樓船備糧食水戰具居歲餘買臣受詔將兵與橫海將軍韓說等俱擊破東越晉袁山松虞潭嘗於滄瀆築城壘以防寇自朝家承平總一海內閩粵之賈乘風航海不以爲險故珍貨遠物畢集於吳之市今瀕海皆有巡邏之官所以戢盜賊禁私鬻也

續圖經上

九

屠友

牧守

昔漢會稽太守治於吳自朱買臣見遇武帝引章之部世歆其榮光武時有任延者稱爲循吏延字長孫年十九爲會稽都尉迎官驕其壯及到靜泊無爲惟先遣饋禮祠延陵季子聘請高行如董子儀嚴子陵等待以師友之禮掾史貧者輒分俸祿以賑給之省諸卒令耕公田以周窮急所行縣輒使慰勉孝子就飧飯之具有龍丘萇者隱居太末志不降辱掾史請召之延曰龍

丘先生躬德履義有原憲伯夷之節都尉掃灑其門猶懼辱焉召之不可遣功曹奉謁修書記致醫藥相望於道積一歲萇乃詣府願得備錄遂命爲議曹祭酒是以郡中賢士大夫爭往官焉自晉至唐牧守之良者已載圖經矣於新唐史又得數事焉史稱王仲舒之爲刺史也隄松江爲路變屋瓦絕火災賦調常與民爲期不擾自辦于頔之爲刺史也罷淫祠浚溝澮端路衢爲政有績楊發之爲刺史也其治以恭長慈

續圖經上

二十

屠

幼爲先是皆可迷者也若韋應物白居易劉禹錫亦可謂循吏而世獨知其能詩耳韋公以清德爲唐人所重天下号曰韋蘇州當正元時爲郡於此人賴以安又能賓儒士招隱獨顧况劉長卿丘丹秦系皎然之儔類見旌引與之訓唱其賢於人遠矣樂天高行美才其於簿領宜不以屑意然觀其勤瘁非旬休不設宴見於題詠嘗作虎丘路免於病涉亦可以障流潦未幾求去夢得贈詩云姑蘇十萬戶皆作嬰兒啼蓋其實也